

Il luxus d'eleger quei ch'il cor giavischa

La Sonda liunga porscha era uonn dudisch uras cultura a Cuera

(anr/sr) Gia per l'otgavla ga ha la Sonda liunga liug a Cuera. Sonda proxima, ils 15 da november eis ei puspei aschi lunsch ed ils amaturs dalla cultura han il luxus d'eleger ord varga 200 programs cuorts che vegnan presentai en 16 loghens. Endisch casas da cultura da Cuera, la Banca cantunala sco parteneria e treis instituziuns da hosp arvan communablamein las portas e porschans varga 200 programs cuorts en 16 loghens. Sco usitau stat la Sonda liunga era quella ga sut il motto «dudisch uras cultura a Cuera». Niev ei perencunter la cumparsa optica e visetas guidadas el spazi public. Sco ils organisaturs scrivan en ina comunicaziun als mieds da massa ei la Sonda liunga ina historia da success. Dapi la premiera igl onn 2007 ei l'occurrence carschida ad in crescher. Igl onn vargau han ils organisaturs danovamein saviu registrar in niev record da visitaders. Igl augment d'interess risguarda l'uniu Sonda liunga cun extender il program.

Per pign e grond

Sonda vegnan affons e carschi probabla mein gnanc ad haver aschi sempel d'eleger nuac ch'els vulan far ina viseta e tgei program ch'els vulan guder. En 16 loghens presentan instituziuns culturalas grondas e pintgas ina mischeida secumprovada da concerts, prelecziuns, visetas guidadas e programs per affons. Quei succeda el turnus da mes'ura a partir dalas 12.00 da miezdi entochen mesanotg. La contribuziun per carschi cuosta aunc adina 25 francs. Affons e persunas giuvnas da sis tochen 25 onns pagan tschun francs. Ils bigliets pon già vegnir cumprai ordavon tier Cuera Turissem.

Program variont

Il Museum dalla natira dil Grischun, il



La Lia Rumantscha ei hosp dalla Sonda liunga ed en Chasa Rumantscha procura denter auter la gruppa da teater Bagat per cuort'uriala.

Forum Würth Cuera, il Museum retic ni il Teater Cuera sco grondas casas gidan

gia dapi l'entschatta a purtar l'occurrentza ed ein secapescha era uonn dalla par-

tida. La Sonda liunga porscha varga 200 programs cuorts ch'ein d'anflar sin la pagina d'internet www.langersamstag.ch. Denter auter pon ils visitaders ir cun *Gion Mathias Cavelti* a catscha da miez-miur e miezutschi e per carschi dat ei aventuras da malegier nunusitas. Ils hospes giuvens pon tedlar praulas da *Christian Andersen* ni la praula romontscha dil Tredischin ed ir sin viadi cul tren cun *Flurin Caviezel*. Era l'exposiziun preistorica, la Klibühni, il Kunstraum Sandra Romer, la Postremise ni il Museum da viticulture ein enconuscents als participants dalla Sonda liunga che fan forsa part d'ina excursiun el temps da crap tempriv, d'in viadi musical instructiv tras la Scandinavia, gaudan semplamein il ruaus ni la romantica da navigaturs cul capitani Rummelsnuff e canzuns popularas. La Galeria Luciano Fasciati che integrescha uonn era la Galleria dil marcas sededichescha als vischins dil Tirol dil sid e la Werkstatt pratichescha alchemia artistica. Egl auditori dalla Banca cantunala pon ils hospes denter auter veser la cumedia «I Doganieri» da *Fabrizio Pestilli* e *Federico Dimitri*. Pervia dallas lavurs da sanazion fa il Museum d'art dil Grischun buca part uonn dalla Sonda liunga ed era il Museum da maschinas da cuser fa ina pausa. Sco hospes s'a l'uniu Sonda liunga beneventar la Lia Rumantscha e differents instituts da formaziun. Novas ein las visetas guidadas el spazi public. Per l'emprima ga ei Cuera Turissem dalla partida cun ina tura guidada per affons e famiglias e da stigir gidan ils guids da scuvierer igl art el marcas da Cuera a moda suprendenta. Pil beinstar culinaric procuran differents partenariis.

Ulteriuras informaziuns e program:
www.langersamstag.ch.

■ FORUM DA VOTAZIUNS

Encuirir il «cavegl ella suppa»

Tenor il messadi tier la refuorma territoriala ha ina gronda part dallas vischnauncas grischunas, las partidas pbd, pps e ped e la pluralitat dallas organisaziuns regionalas pretendiu libertad d'organizaziun per las regiuns futuras dil cantun. Malgrad quei fatg han la regenza e la pluralitat dil cusselg grond risguardau neginas propostas dalla consultaziun e decidiu ina lescha stricta e birocratica che snega allas vischnauncas la legitimaziun politica da formar las regiuns. Sensori politic fin san ins buca numnar quei. E sche cusselglera guvernativa Janom Steiner numna ussa – sco fatg en l'informaziun allas medias ils 7 da november – ch'ils adversaris enquerien il «cavegl ella suppa» fa quei surstar ed ei buca dil tut caseivel.

L'obligaziun da far ina cunvegna da prestaziun per mintga incumbensa che la regiun supren per las vischnauncas meina tier ina gronda birocracia. Ils adherents dalla refuorma territoriala vulan buca veser ei e discuorau ch'ei vegni surfatg. Els ignoreschan las differenzas ch'ein avon maun ellas singulas regiuns. La Regiun Bernina cun duas vischnauncas sto buca far biares cunvegnas da prestaziuns. Ella Regiun Viamala cun 29 vischnauncas ed ella Regiun Surselva cun aunc 19 vischnauncas dat ei gleiti dapli che 100 cunvegnas da prestaziuns. Quellas ston lu vegnir approbadas dalla popolaziun resp. dil parlament da mintga vischnaunca. Quei duei esser sempel ed effizient? La refuorma del territori cuntenia buca. Vischnauncas e regiuns han meritau ina megliera proposta. Lein dar alla regenza la pussevladad da surluvrar ella cun dir NA alla lescha davart la refuorma dil territori.

Silvia Casutt-Derungs, deputada, Falera

Daco in Gie tier la refuorma dil territori?

En duas brevs da lecturs expriman Hans-Giacun Spescha e Claudio Simonet lur resalvas concernent las consequenzas della refuorma del territori sin las prestaziuns dalla Regiun Surselva. Tenor miu meini ei ina regiun che funcziuna bein buca dependenta dall'organizaziun ni dils mandats da prestaziun fermamein critici, mobein suletteamen dalla solidaritat denter las vischnauncas. Igl ei in fatg che la Regiun Surselva ei bein organizada. Igl ei il resultat dallas experientschas ch'ins sa prestar certas incumbencias a moda pli effizienta da cumionza. Ed igl ei strusch da supponer che singulas vischnauncas han l'intensiun da suprender per exemplu las scolas secundarias scalem II, la scola da musica ni l'economisaziun dil rumien. Las bunas experientschas dils davos decennis duessen formar la basa per la collaboraziun futura denter las vischnauncas. Sche quei succeda sin fundament d'ina decisio dil parlament ni sin fudament d'in mandat da prestaziun ei secundar. El center stat la solidaritat dallas vischnauncas per mantener communablamein ina ferma regiun che funcziuna. Perquei vegn jeu a votar ils 30 da november claramein GIE per la refuorma dil territori.

*Aurelio Casanova,
president communal Ilanz/Glion*

La Sonda lunga en Chasa Rumantscha

(cp) Culs 15-11-2014 èsi puspè uschè lunsch: 16 instituziuns da cultura e furmaziun avran lur portas e porschans – tut tenor il motto da la Sonda lunga – «12 uras cultura a Cuira». Ina da questas instituziuns è la Chasa Rumantscha, la sedia da la Lia Rumantscha e da la Chasa Editura Rumantscha. Il program cumenza da mezdi en il plau sutterran da la pitschna villa da jugendstil a la Via da la Plessur 47 cun in toc da teater per famiglias ed uffants. Bagat in scenescha extracts da ses novissim toc «Scleridas» che ha festivà sia premiera la fin d'october en il Teater da Cuira. «Scleridas» èn istorgias stigras e clerás per aspectaturas ed aspectaturs a partir da quatter onns, istorgias dal pievel da la notg, d'interrupziuns dal current, da chandailas che discurran e da construiders da tunnels emblidads.

A las 12.30 maina l'istoricher d'art *Leza Dosch* enturn e tras la «Villa zur Hei-

mat» erigida il 1860, sco quai che la Chasa Rumantscha ch'è oz en possedd d'ina fundaziun sa numnavia ina giada. Sin quest tur vegn il public a savair blers interessants fatgs davart l'edifizi e visita gis omaduas tribunas, nua che vegn representà il program da la Sonda lunga en Chasa Rumantscha. Entant ch'els uffants startan pli tard sezs sin tribuna en il rom dal lavoratori da teater che ha lieu en il plau sutterran, prelegia *Arno Camenisch* en l'aula en l'emprima auzada or da sia emprima ovra bilingua «Sez Ner». El vegn accumagnà da la chantadura *Astrid Alexandre* che cumpara cun sia vusch adina danovamain sco in fil cotschen durant las 12 uras cultura en Chasa Rumantscha.

A las 14.00 ed a las 15.00 preschenta *Annina Sedláček* en ina prelecziun scenica l'enconuschenta paraula Tredeschin. Questa paraula che raquinta dal tredechavel uffant d'ina famiglia engiadinaise ha la Chasa Editura Rumantscha gis-

edi en vallader e rumantsch grischun. Il text è vegnì adattà da *Bettina Vital*. Pia Valär enrítgescha ed interpretescha queste istorgia cun sias illustraziuns signifigantas e plain humor.

A las 17.00 stat Astrid Alexandre lura ensemen cun *Thomas Cathomen* (chant), *Lucas Schwarz* (bass) e *Rolf Caflisch* (percussion) sin la tribuna en il plau sutterran. Els preschentan tranter auter chanzuns ch'els dus chantauturs han cumponì, però anc mai representà publicamain. Suenter quest concert vegnan las localitads transfurmandas en locals da sesida secrerts, nua che representants da las trois regiuns culturalas e linguistiques dal Grischun fundeschan in nov chantun. *Sara Francesca Hermann*, la representanta da la Rumantschia, *Piera Gianotti*, la representanta dal Grischun Talian e *Christian Sprecher*, il representant dals Gualsers, appelleschan a quest act, sperond che sa schian uschia tut ils problems da

las trois minoritads linguisticas ina giada per adina. La reschia maina *Georg Schäregg* – ed era qua procura la vusch d'Astrid Alexandre per anc dapli emozions e speranza per ina convivenza unida. Il toc en duts acts «Convivenza – I & II» vegn inscenà duas giadas, l'emprima part a las 18.00 ed a las 20.00, la segunda part a las 19.00 ed a las 21.00.

Suenter il teater datti anc ina giada musica. Cun in concert dad in'ura d'Astrid Alexandre e Thomas Cathomen va a fin la Sonda lunga en Chasa Rumantscha.

Sonda, ils 15-11-2014, a partir da las 12.00

Lia Rumantscha e Chasa Editura Rumantscha

Chasa Rumantscha

Via da la Plessur 47, 7000 Cuira

Informaziuns detagliadas davart il program chattais Vus sin la pagina d'internet da la Sonda lunga www.langersamstag.ch



Ursina e sia band vegnan a concertar ella Klibühni.



Astrid Alexandre chanta en Chasa Rumantscha a Cuira.

AIDE SUISSE AUX MONTAGNARDS
AGID SVIZZER PER LA MUNTOGNA

TEL. 01/712 60 60 FAX 01/712 60 50
www.berghilfe.ch info@berghilfe.ch



AIUTO SVIZZERO AI MONTANARI SCHWEIZER BERGHILFE